

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog premijera Zeničko-dobojskog kantona, Vlada Zeničko-dobojskog kantona, na 10. sjednici, održanoj dana 09.03.2023. godine, d o n o s i

ZAKLJUČAK

o izmjeni i dopuni Zaključka Vlade Zeničko-dobojskog kantona

I.

U Zaključku Vlade Zeničko-dobojskog kantona kojim su uređene obaveze budžetskih korisnika – ministarstava, uprava i upravnih organizacija Zeničko-dobojskog kantona, kao i javnih ustanova, budžetskih i vanbudžetskih fondova, javnih preduzeća i ostalih reguliranih tijela pod kontrolom Zeničko-dobojskog kantona u oblasti zapošljavanja državnih službenika i namještenika, odnosno zaposlenih sa drugim statusom i/ili angažmanom („Službene novine Zeničko-dobojskog kantona“, broj: 24/22), tačka II. mijenja se i glasi:

„II.

Obavezuju se organi iz tačke I. ovog zaključka da ponište sve postupke:

- Zapošljavanja službenika i namještenika u organima uprave, upravnim organizacijama i drugim tijelima kantonalne uprave;
- Zapošljavanja zaposlenika u javnim ustanovama, budžetskim i vanbudžetskim fondovima, javnim preduzećima i ostalim reguliranim tijelima pod kontrolom Zeničko-dobojskog kantona;
- Unapređenja i premještaja državnih službenika i namještenika.“

II.

Iza tačke II. dodaje se nova tačka III. i glasi:

„III.

Obveznici primjene iz tačke I. ovog zaključka dužni su sve postupke zapošljavanja, kako prethodno poništene tako i nove postupke, provoditi samo u slučaju nužne i objektivno dokazive potrebe zbog nesmetanog funkcionisanja i obavljanja poslova i obnoviti, odnosno provesti procedure pribavljanja prethodne saglasnosti nadležnih organa u skladu sa Odlukom o utvrđivanju postupka davanja prethodne saglasnosti za popunu upražnjenih radnih mjesta („Službene novine Zeničko-dobojskog kantona”, broj: 1/17 i 10/19), odnosno organa upravljanja i nadzora u subjektima koji nisu obuhvaćeni navedenom Odlukom a koji su u obavezi procedure prijema u radni odnos provoditi u skladu Uredbom o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“, broj: 8/19, 6/20 i 19/20), te ugovore o angažmanu, ugovore o djelu i slično sa trećim licima zaključivati isključivo u slučajevima u kojima je ova vrsta angažmana propisana zakonom ili drugim propisima zasnovanim na zakonu, te u propisima definisanoj proceduri.“

III.

Dosadašnje tačke III. i IV. postaju tačke IV. i V.

IV.

Zaključak stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-30-3734/23

Datum, 09.03.2023. godine

Z e n i c a

DOSTAVLJENO:

1x Svim ministarstvima i drugim tijelima kantonalne uprave,

1x Svim institucijama Zeničko-dobojskog kantona,

putem resornih ministarstava,

1x „Službene novine Zeničko-dobojskog kantona“,

1x a/a.